

**Inunnut innarluutilinnut najugaqarfissatut neqeroorutit pillugit Namminersorlutik  
Oqartussat nalunaarutaat nr. 19, 4. november 2019-imeersoq**

Inuit innarluutillit tapersorsorneqarnissaannut Inatsisartut inatsisaanni §§ 13, imm. 3, 14, imm. 3, 15 aamma 18, imm. 3 malillugit aalajangersarneqarput:

**Kapitali 1**

*Najugaqaqatigiiffiit*

*Pitsaassutsimut malitassat*

**§ 1.** Inunnut innarluutilinnut najugaqaqatigiiffimmik pilersitsinermi, najugaqaqatigiiffiup ataatsimoortumik nalilersorneqareerneratigut pisariaqartinneqartumik pitsaassuseqarnissaa kommunalbestyrelsip qulakkiissavaa.

*Imm. 2.* Najugaqaqatigiiffiup pitsaassusaa sammineqartut tulliuttut iluanni nalilersorneqassaaq:

- 1) Najugaqartut ineriertorsinnaanissaannik periarfissaat, namminneq periarfissaqarfiinik atorluaasinnaanermik periarfissaqarnerat, tamannalu aqqutigalugu sapinngisamik annerpaamik nammineersinnaanissaat.
- 2) Najugaqartut ilinniagaqarnissamut, suliffeqarnissamut aamma sammisaqarnissamut periarfissaat.
- 3) Najugaqaqatigiiffiup sullinniagai, matumani najugaqaqatigiiffiup sullinniakkaminut neqeroorutaasa imarisai, kiisalu najugaqartut namminneq inuunermanni atukkaminnut sunniuteqarsinnaanerat ilanngullugu.
- 4) Najugaqaqatigiiffiup periaasai angusaalu, matumani perorsaariaatsimut, tarnip pissusaatigut imaluunnit tarnikkut nappaatinut suleriaatsit ilanngullugit.
- 5) Najugaqaqatigiiffiup aaqqissugaanera aqunneqarneralu.
- 6) Najugaqaqatigiiffimmi sulisut piginnaasaat.
- 7) Najugaqaqatigiiffimmut illutatigut sinaakkusiussat, matumani sullinniakkat pisariaqartitaannut kiisalu ulloq najugaqaqatigiiffiup periaasaanut ikorfartuutanersut ilanngullugit.

*Imm. 3.* Imm. 2 malillugu pitsaassutissanut malitassat, najugaqaqatigiiffiup pilersinneqarnissaanik kommunalbestyrelsip aalajangernerani takuneqarsinnaassapput. Najugaqaqatigiiffinnut ataasiakkaanut pitsaassutsimut malitassat ataasiakkaat qanoq ilillutik piviusunngortinnejqassanersut allaaserineqarsimassaaq.

*Aaqqissuussineq*

**§ 2.** Najugaqaqatigiiffik nammineq najugarisatut isigineqassaaq. Najugaqaqatigiiffik ima aaqqissuunneqassaaq, najugaqartut tamarmik immikkut nammineq ineqassallutik, inigisarlu sapinngisamik nammineq anartarfekarlunilu uffarfittaqassalluni.

*Imm. 2.* Najugaqartut inimik isersimaartarfimmik igaffimmillu atuisinnaassapput.

### *Malittarisassat*

**§ 3.** Inunnut innarluutilinnut najugaqaqtigiffik communalbestyrelsimit ingerlanneqartoq tulliuttunik imaqartumik malittarisassaqassaaq:

- 1) Aqqata, sumiiffiata siunertaatalu allaganngorlugu paassisutissutigineqarnera.
- 2) Sullinniakkat allaaserineqarnerat.
- 3) Aqutsisut suliassaasa allaaserineqarnerat.
- 4) Akisussaassutsimut malittarisassat kiisalu inummut allamut pingajuusutut inisisimasumut qanoq iliorsinnaatitaaneq.
- 5) Missingersuusiornermut, naatsorsuuserinermut kukkunersiuinermullu malittarisassat.
- 6) Malittarisassanik allannguinernut ingerlatseriaaseq.

### *Ulluinnarni aqutsineq*

**§ 4.** Inunnut innarluutilinnut najugaqaqtigiffimi 1-imí arlalinniluunniit aqutsisoq communalbestyrelsip atorfinitssittassavaa soraarsittassallugulu.

*Imm. 2.* Najugaqaqtigiffiup ulluinnarni aqunneqarnera aqutsisup suliassaraa.

*Imm. 3.* Najugaqaqtigiffimi sulisut sinneri inatsisit isumaqtigissutillu atuuttut malillugit communalbestyrelsip atorfinitssittassavai soraarsittarlugillu.

*Imm. 4.* Aqutsisumik sulisunillu atorfinitssitsinermi pinerluuteqarsimannginnermik uppermarsaat piniarneqassaaq. Pisariaqarpallu meeqqamik pinerliisimannginnermik uppermarsaat aamma piniarneqassalluni.

**§ 5.** Najugaqaqtigiffik ima ingerlanneqassasoq aqutsisup qulakkiissavaa, najugaqartut taamaalillutik:

- 1) piginnaasat sapinngisallu ulluinnarni inuunerisamik oqinnerulersitsisinnaasut angussallugit, taamatullu iliornikkut ataasiakkaat nammineersinnaalernissamut periarfissaat siuarsarneqassalluni,
- 2) ilaqtutanut attaveqatigisartakkanullu attuumassutit attatiinnarsinnaassallugit, aamma
- 3) inuttut ineriertornissamut inooqatigiinnilu sammisaqartitsinernut peqataanissamut periarfissaqartitaallutik.

**§ 6.** Sulisut ataatsimut isigalugit imatut angusaqarsimanissaat aqutsisup qulakkiissavaa:

- 1) naleqquttumik ilinniarsimasuunissaat,
- 2) sullinniakkat pillugit nutaanerpaanik ilisimasaqarnissaat aamma
- 3) sullinniakkat pillugit misilittagaqarnissaat.

**§ 7.** Najugaqaqtigiffiup sullinniakkat pisariaqartitaannik ineriertornissamullu periarfissaannik siuarsasutut aaqqissugaasimanissa aqutsisup qulakkiissavaa.

## **Kapitali 2**

*Najugaqarfitt illersugaasut*

**§ 8.** Inunnut innarluutilinnut najugaqarfimmik illersugaasumik pilersitsinermi, najugaqarfiup ataatsimoortumik nalilorsorneqareerneratigut pisariaqartinneqartumik pitsaassuseqarnissaa kommunalbestyrelsip qulakkiissavaa.

*Imm. 2.* Najugaqarfiup illersugaasup pitsaassusaa sammineqartut tulliuttut iluanni nalilorsorneqassaaq:

- 1) Najugaqartut ineriertorsinnaanissaannik periarfissaat, namminneq periarfissaqarfiinik atorluaasinnaanermik periarfissaqarnerat, tamannalu aqqutigalugu sapinngisamik annerpaamik nammineersinnaanissaat.
- 2) Najugaqartut ilinniagaqarnissamut, suliffeqarnissamut ingerlataqarnissamulluunniit periarfissaat.
- 3) Najugaqarfiup sullinniagai, matumani najugaqarfiup sullinniakkaminut neqeroorutaasa imarisai, kiisalu najugaqartut namminneq inuunerminni atukkaminnut sunniuteqarsinnaanerat ilanngullugu.
- 4) Najugaqarfiup periaasai angusaalu, matumani perorsaariaatsimut, tarnip pissusaatigut imaluunnit tarnikkut nappaatinut suleriaatsit ilanngullugit.
- 5) Najugaqarfiup aaqqissugaanera aqunneqarneralu.
- 6) Najugaqarfimmi sulisut piginnaasaat.
- 7) Najugaqarfimmi illutatigut sinaakkusiussat, matumani sullinniakkat pisariaqartitaannut kiisalu ulloq unnuarlu neqeroorutip periaasianut ikorfartuutanersut ilanngullugit.

*Imm. 3.* Imm. 2 malillugu pitsaassutissanut malitassat, najugaqarfiup pilersinneqarnissaanik communalbestyrelsip aalajangererani takuneqarsinnaassapput. Najugaqarfinnut ataasiakkaanut pitsaassutsimut malitassat ataasiakkaat qanoq ilillutik piviusunngortinnejassanersut allaaserineqarsimassaaq.

### *Aaqqissuussineq*

**§ 9.** Najugaqarfik nammeneq najugarisatut isigneqassaaq. Najugarfik ima aaqqissuunneqassaaq, najugaqartut tamarmik immikkut nammeneq ineqassallutik, inigarlu sapinngisamik nammeneq anartafeqarlunilu uffarfittaqassalluni.

*Imm. 2.* Najugaqartut inimik isersimaartarfimmik igaffimmillu atuisinnaassapput.

### *Malittarisassat*

**§ 10.** Inunnut innarluutilinnut najugaqarfik illersugaasoq communalbestyrelsimit ingerlanneqartoq tulliuttunik imaqartumik malittarisassaqassaaq:

- 1) Aqqata, sumiiffiata siunertaatalu allaganngorlugu paassisutissiissutigineqarnera.
- 2) Sullinniakkat allaaserineqarnerat.
- 3) Aqutsisut suliassaasa allaaserineqarnerat.
- 4) Akisussaassutsimut malittarisassat kiisalu inummut allamut pingajuusutut inisisimasumut qanoq iliorsinnaatitaaneq.
- 5) Missingersuusiornermut, naatsorsuuserinertermut kukkunersiuinermullu malittarisassat.
- 6) Malittarisassanik allannguinernut ingerlatseriaaseq.

## *Ulluinnarni aqutsineq*

**§ 11.** Inunnut innarluutilinnut najugaqarfimmi illersugaasumi 1-imí arlalinniluunniit aqutsisoq kommunalbestyrelsip atorfinitssittassavaa soraarsittassallugulu.

*Imm.* 2. Najugaqarfipiup illersugaasup ulluinnarni aqunneqarnera aqutsisup suliassaraa.

*Imm.* 3. Najugaqarfimmi illersugaasumi sulisut sinneri inatsisit isumaqtigiaissillu atuuttut malillugit kommunalbestyrelsip atorfinitssittassavai soraarsittarlugillu.

*Imm.* 4. Aqutsisumik sulisunillu atorfinitssinermi pinerluuteqarsimannginnermik upernarsaat piniarneqassaaq. Pisariaqarpallu meeqqamik pinerliisimannginnermik upernarsaat aamma piniarneqassalluni.

**§ 12.** Najugaqarfik illersugaasoq ima ingerlanneqassasoq aqutsisup qulakkiissavaa, najugaqartut taamaalillutik:

- 1) piginnaasat sapinngisallu ulluinnarni inuunerisamik oqinnerulersitsisinnaasut angussallugit, taamatullu iliornikkut ataasiakkaat nammineersinnaalernissamut periarfissaat siuarsarneqassalluni,
- 2) ilaqtutanut attaveqatigisartakkanullu attuumassutit attatiinnarsinnaassallugit, aamma
- 3) inuttut ineriartornissamut inooqatigiinnilu sammisaqartitsinernut peqataanissamut periarfissaqartitaallutik.

**§ 13.** Sulisut ataatsimut isigalugit imatut angusaqarsimanissaat aqutsisup qulakkiissavaa:

- 1) naleqquttumik ilinniarsimasuunissaat,
- 2) sullinniakkat pillugit nutaanerpaanik ilisimasaqarnissaat aamma
- 3) sullinniakkat pillugit misilittagaqarnissaat.

**§ 14.** Najugaqarfipiup illersugaasup sullinniakkat pisariaqartitaannik ineriartornissamullu periarfissaannik siuarsasutut aaqqissugaasimanissa aqutsisup qulakkiissavaa.

## **Kapitali 3**

### *Ulloq unnuarlu neqeroorutit*

#### *Ulloq unnuarlu neqeroorummik pilersitsineq*

**§ 15.** Inunnut innarluutilinnut ulloq unnuarlu neqeroorutit Isumaginninnermut Aqutsisoqarfimmit pilersinneqassapput ingerlanneqarlutillu.

#### *Pitsaassutsimut malitassat*

**§ 16.** Inunnut innarluutilinnut ulloq unnuarlu neqeroorummik pilersitsinermi, ulloq unnuarlu neqeroorutip ataatsimoortumik nalilersorneqareernermigut pisariaqartinneqartumik pitsaassuseqarnissaa isumaginninnermut aqutsisoqarfipiup qulakkiissavaa.

*Imm.* 2. Najugaqaqtigiaiffiup pitsaassusaa sammineqartut tulliuttut iluanni nalilersorneqassaaq:

- 1) Najugaqartut ineriartorsinnaanissaannik periarfissaat, namminneq periarfissaqarfiiinik atorluaasinjaanermik periarfissaqarnerat, tamannalu aqqutigalugu sapinngisamik annerpaamik

nammineersinnaanissaat.

- 2) Najugaqartut ilinniagaqarnissamut, suliffeqarnissamut ingerlataqarnissamulluunniit periarfissaat.
- 3) Ulloq unnuarlu neqeroorutip sullinniagai, matumani najugaqarfiup sullinniakkaminut neqeroorutaasa imarisai, kiisalu najugaqartut namminneq inuunerminni atukkaminnut sunniuteqarsinnaanerat ilanngullugit.
- 4) Ulloq unnuarlu neqeroorutip periaasai angusaalu, matumani perorsaariaatsimut, tarnip pissusaatigut imaluunniit tarnikkut nappaatinut suleriaatsit ilanngullugit.
- 5) Ulloq unnuarlu neqeroorutip aaqqissugaanera aqunneqarneralu.
- 6) Ulloq unnuarlu neqeroorummi sulisut piginnaasaat.
- 7) Ulloq unnuarlu neqeroorummi illutatigut sinaakkusiusat, matumani sullinniakkat pisariaqartitaannut kiisalu ulloq unnuarlu neqeroorutip periaasianut ikorfartuutanersut ilanngullugit.

*Imm. 3.* Imm. 2 malillugu pitsaassutissanut malitassat, ulloq unnuarlu neqeroorutip pilersinneqarnissaanik kommunalbestyrelsip aalajangernerani takuneqarsinnaassapput. Najugaqarfinnut ataasiakkaanut pitsaassutsimut malitassat ataasiakkaat qanoq ilillutik piviusunngortinneqassanersut allaaserineqarsimassaaq.

#### *Aaqqissuussineq*

**§ 17.** Ulloq unnuarlu neqeroorut sapingisamik ima aaqqissuunneqassaaq, najugaqartut immikkut nammineq ineqassallutik, inigisarlu sapingisamik nammineq anartarfearlunilu uffarfittaqassalluni.

*Imm. 2.* Najugaqartut inimik isersimaartarfimmik igaffimmillu atuisinnaassapput.

**§ 18.** Najugaqartut inaat sapingisamik najugaqartut suleqatigalugit aaqqissuunneqassaaq aammalu najugaqartut ukiuinut innarluuteqassusaannullu naleqquttunik pequtserneqassalluni.

**§ 19.** Init ataatsimoorfigineqarsinnaasut ima aaqqissuunneqassapput, najugaqartut tamarmik qanorluunniit innarluutaat ikkaluarpata, tamarmik ininik atuisinnaassallutik.

#### *Malittarisassat*

**§ 20.** Inunnut innarluutilinnut ulloq unnuarlu neqeroorut Isumaginninnermut Aqutsisoqarfimmit ingerlanneqartoq malittarisassaqassaaq, tulliuttunik imaqartumik:

- 1) Aqqata, sumiiffiata siunertaatalu allaganngorlugu paassisutissiissutigineqarnera.
- 2) Perorsaanermi siunertarineqartut allaaserineqarneri
- 3) Sullinniakkat allaaserinerat.
- 4) Aqutsisut suliassaasa allaaserineqarnerat.
- 5) Akisussaassutsimut malittarisassat kiisalu inummut allamut pingajuusutut inisisimasumut qanoq iliorsinnaatitaaneq.
- 6) Missingersuusiornermut, naatsorsuuserinermut kukkunersiuinermullu malittarisassat.
- 7) Malittarisassanik allannguinernut ingerlatseriaaseq.

#### *Ulluinnarni aqutsineq*

**§ 21.** Inunnut innarluutilinnut ulloq unnuarlu neqeroorummi pisortaq Isumaginninnermut Aqutsisoqarfip atorfinitsittassavaa soraarsittassallugulu.

*Imm.* 2. Ulloq unnuarlu neqeroorutip ulluinnarni aqunneqarnera pisortap suliassaraa.

*Imm.* 3. Pisortap ulloq unnuarlu neqeroorummi sulisut sinneri inatsisit isumaqatigiissutillu atuuttut malillugit atorfinitsittassavai soraarsittarlugillu.

*Imm.* 4. Aqutsisumik sulisunillu atorfinitsitsinermi pinerluuteqarsimannginnermik upernarsaat piniarneqassaaq. Pisariaqarpallu meeqqamik pinerliisimannginnermik upernarsaat aamma piniarneqassalluni.

**§ 22.** Ulloq unnuarlu neqeroorut ima ingerlanneqassasoq pisortap qulakkiissavaa, najugaqartut taamaalillutik:

- 1) piginnaasat sapinngisallu ulluinnarni inuunerisamik oqinnerulersitsisinnaasut angussallugit, taamatullu iliornikkut ataasiakkaat nammineersinnaalerlernissamut periarfissaat siuarsarneqassalluni,
- 2) ilaqtutanut attaveqatigisartakkanullu attuumassutit attatiinnarsinnaassallugit, aamma
- 3) inuttut ineriertornissamut inooqatigiinnilu sammisaqartitsinernut peqataanissamut periarfissaqartitaallutik.

**§ 23.** Sulisut ataatsimut isigalugit imatut angusaqarsimanissaat pisortap qulakkiissavaa:

- 1) naleqquttumik ilinniarsimasuunissaat,
- 2) sullinniakkat pillugit nutaanerpaanik ilisimasaqarnissaat aamma
- 3) sullinniakkat pillugit misilittagaqarnissaat.

**§ 24.** Ulloq unnuarlu neqeroorutip sullinniakkat pisariaqartitaannik ineriertornissamullu periarfissaannik siuarsaasutut aaqqissugaasimanissaat pisortap qulakkiissavaa.

## Kapitali 4

*Atuutilerfia- ikaarsaariarnermilu aalajangersakkat*

**§ 25.** Nalunaarut 1. januar 2020-mi atuutilerpoq.

*Imm.* 2. Peqatigisaanik meeqqanut inuuusuttunullu kiisalu inunnut annertuumik innarluutilinnut ulloq unnuarlu paaqqinniffiit pillugit Namminersornerullutik Oqartussat nalunaarutaat nr. 64, 29. december 1994-imeersoq atorunnaarsinneqarpoq.

**§ 26.** Najugaqaqatigiiffiit 1. januar 2020 sioqqullugu pilersinnejqarsimasut, kapitali 1-impi umasaqatit kingusinnerpaamik 1. januar 2023-mi eqqortissimassavaat.

*Imm.* 2. Najugaqarfiit illersugaasut 1. januar 2020 sioqqullugu pilersinnejqarsimasut kapitali 2-mi umasaqatit kingusinnerpaamik 1. januar 2023-mi eqqortissimassavaat.

*Imm.* 3. Ulloq unnuarlu neqeroorutit 1. januar 2020 sioqqullugu pilersinnejqarsimasut kapitali 3-mi umasaqatit kingusinnerpaamik 1. januar 2023-mi eqqortissimassavaat.

*Imm.* 4. Imm. 1-im 2-milu piffissaliussat kommunalbestyrelsimit qinnutigineqarpata, Naalakkersuisunillu sioqqutsisumik akuersissummik pinikkut, ukiut marluk tikillugit sivitsorneqarsinnaapput.

*Imm.* 5. Naalakkersuisut akuersiteeqqaarnerisigut piffissaliussaq imm. 3-mi taaneqartoq ukiut 2 tikillugit sivitsorneqarnissaa isumaginninnermut aqutsisoqarfimmit qinnutigineqarsinnaavoq.

*Kalaallit Nunaanni Namminersorlutik Oqartussat, ulloq 4. november 2019*

Martha Abelsen

/

Julie Præst Wilche